

Жаңалық релизi

2025 жылдың 3 қазаны 12:00 ALMT (07:00 UTC) жариялауға эмбарго

FREEDOM HOLDING CORP. ҚАЗАҚСТАНДАҒЫ ҚЫЗМЕТ КӨРСЕТУ САЛАЛАРЫ БОЙЫНША PMI®

Қыркүйекте қызмет көрсету секторындағы өсу қарқыны одан әрі баяулады

**Іскери белсенділік пен жаңа тапсырыстардың
арту қарқыны да бәсеңдеуді жалғастырды**

Жұмыспен қамту тағы да төменденеді

**Іскери сенімділік 28 айдағы ең төменгі
деңгейде**

Freedom Holding Corp. PMI® соңғы көрсеткіші қыркүйекте Қазақстандағы қызмет көрсету саласында белсенділік шамалы ғана өскенін көрсетті.

Үшінші тоқсан бойы қызмет көрсету саласындағы айлық өсім қарқыны бәсеңдеді, соңғы өсім наурыз айынан бергі ең әлсіз деңгейде тіркелді. Жаңа тапсырыстардың арту қарқыны бірқалыпты болғанымен де, баяулау байқалды. Алдыңғы қарқынды кезеңге қарағанда, өсім соңғы алты айдағы ең төмен мәнде қалыптасты. Саладағы баяулау белгілері жұмыспен қамту көрсеткіштерінің қайта төмендеуімен қатар жүрді.

Бұдан бөлек, алдағы бір жылға деген іскери сенім күрт төмендеді. Оптимизм соңғы 28 айдағы ең төменгі деңгейге түсіп, ұзақмерзімді орташа көрсеткіштен едәуір төмен болды.

Негізгі көрсеткіш – Іскери белсенділік индексі (Business Activity Index). Ол өткен аймен салыстырғанда бизнес белсенділігінің көлемі қалай өзгергені туралы жалғыз сұраққа берілген жауап негізінде анықталады. Индекс мәні 0-ден 100-ге дейін ауытқиды, 50-ден жоғары өсімді, 50-ден төмен мән құлдырауды білдіреді. Индекс маусымдық ауытқуға қарай түзетіліп отырады.

Freedom Holding Corp. PMI Іскери белсенділік индексі қыркүйекте қатарынан үшінші ай бойы төмендеп, тамыздағы – 52,0 мәнінен 50,8-ге дейін түсті. Бұл көрсеткіш саладағы белсенділік шамалы ғана өскенін көрсетеді және наурыздан бергі ең әлсіз өсім тіркелді. Дейтұрғанмен, жыл басынан бері әр ай сайын өсім тіркеліп отыр.


Іскери белсенділік байқалған сайын қызмет көрсетушілер жаңа тапсырыстардың көбейгенін, клиенттер базасының өскенін және жаңа жобаларды қолға алғанын хабарлап отырады.

Белсенділік үрдісіне сәйкес, қазақ қызмет көрсетушілерге түскен жаңа бизнес тапсырыстар көлемі де наурыздан бергі ең баяу қарқында ұлғайды. Соған қарамастан, өсім қарқыны бірқалыпты және ұзақ мерзімді орташа көрсеткіштен жоғары болды. Бизнес көлемінің артуына түрткі болған негізгі себептер белсенділіктің артуына ықпал еткен факторлармен ұқсас болды.

Соңғы зерттеу кезеңіндегі қызмет көрсету секторы өсімінің одан әрі бәсеңдеуі жаңа жұмыс орындарының қысқаруына әкеп соқты. Жұмыспен қамту төрт айда алғаш рет төмендеді. Алайда қысқару қарқыны өте төмен себебі сауалнамаға қатысқан компаниялардың өткен айдағыдай жалақы қорын өзгеріссіз қалдырды.

Freedom Holding Corp. Қазақстандағы қызмет көрсету салалары бойынша PMI

Индекс, маус.түзету, >50 = өткен аймен салыстырғанда өскен (айма-ай өскен)



Деректер 2025 жылдың 11–25 қыркүйегі аралығында жиналды.

Дереккөз: Freedom Holding Corp. S&P Global PMI. ©2025 S&P Global.

Пікір

Ерлан Әбдікәрімов, Freedom Finance Global PLC (Freedom Holding Corp. 100% еншілесі) Қаржылық талдау департаментінің директоры:

"Қыркүйекте Қазақстанның қызмет көрсету секторында іскерлік белсенділік пен жаңа тапсырыстардың өсуі оң сипатта сақталғанымен, қарқыны алдыңғы айлармен салыстырғанда айтарлықтай бәсеңдеді. Жалпы алғанда, баяулау үшінші тоқсан бойы байқалды. Бұған орташа сұраныс, шығындардың үздіксіз өсуі, ұлттық валютаның әлсіреуі және жұмыспен қамтудың қысқаруы ықпал етті. Бәсекеңіз күшеюі қызмет бағалары мен тарифтерінің өсуін тежеуде, бұл маржиналдылықты қысқартып отыр. Келесі жылдың басында жаңа салық ережелерінің күшіне енуі нарық қатысушыларының көңіл-күйіне барған сайын айқын әсер етуде. Нәтижесінде, бір жылдық күтулер соңғы екі жылдан астам уақыттағы ең төменгі деңгейге дейін төмендеп, компаниялардың келешекке қатысты бағалауларында сақтық танытатынын көрсетті."

Қыркүйекте тасымалдау құнының қымбаттауы және қолайсыз валюта бағамы Қазақстанның қызмет көрсету секторындағы ресурс бағасының артуына әсер еткені айтылды. Инфляция қарқыны айтарлықтай жоғары, екінші ай қатарынан жедел және маусымнан бергі ең жоғары деңгейге жетті.

Ресурс бағасы инфляциясының қарқыны күшейгенімен, сату бағасына қатысты жағдай керісінше қалыптасты. Дайын өнім бағасы соңғы алты айдағы ең баяу қарқынмен өсті, тарифтер тек шамалы ғана көтерілді.

Сонымен қатар Қазақстанның қызмет көрсету секторы кәсіпорындары алдағы 12 айда бизнес белсенділігі арта түседі деген оптимизм танытты. Компаниялар қызмет сапасын арттыруға бағытталған маркетинг пен инвестициялық жоспарлары белсенділікті сақтауға көмектеседі деп үміттенді. Алайда сенім деңгейі қыркүйекте соңғы 28 айдағы ең төмен мәнде, тиісті индекс ұзақ мерзімді орташа деңгейден төмен қалыптасты. Сауалнамаға қатысушылар алдағы жылдың басында ҚҚС бойынша салық заңнамасына енгізілетін өзгерістерге алаңдайтынын білдірді.

FREEDOM HOLDING CORP. ҚАЗАҚСТАН БОЙЫНША АРАЛАС PMI

Қыркүйекте Қазақ жеке секторы өндірістің қайта қысқарғанын тіркеді

Қазақстанның Аралас PMI Өндірістік Индексі* қыркүйек айында бейтарап 50,0 деңгейінен төмен түсіп, соңғы 11 айда алғаш рет өндірістің құлдырағанын көрсетті. 49,1 индекс мәні тамыздағы 50,3-тен төмен, соңғы көрсеткіш өндірістің жалпы біршама төмендегенін білдірді, бірақ ол 2024 жылғы ақпаннан бергі ең айқын құлдырау болды. Төмендеу негізінен қазақстандық тауар өндірушілерге тән болса, қызмет көрсетушілер белсенділік өсімі одан әрі баяулағанын байқады.


Өндірістің құлдырауына қарамастан, сұраныс көрінісі тамыз айымен ұқсас болды, жаңа тапсырыстар қыркүйекте де бірқалыпты өсуді жалғастырды. Тамызда 19 ай ішіндегі алғашқы төмендеу байқалған соң, қыркүйекте өндірушілер жаңа тапсырыстар қайта өскенін тіркеді. Сонымен қатар қызмет көрсету компаниялары өсім қарқыны одан әрі бәсеңдегенін хабарлады.

Жұмыс орындарының қысқаруы қатарынан үшінші айға созылды. Құлдырау қарқыны жалпы алғанда баяу болғанымен, қыркүйекте соңғы 19 ай ішінде алғаш рет екі секторда да жалақы тізіміндегі қызметкерлер саны қысқарғаны байқалды.

Қыркүйекте инфляциялық қысым әлсіреді, шығындар мен тарифтердің өсу қарқыны баяулады.


Алдағы 12 айға өндіріс болжамына қатысты сенім де төмендеді. Жеке сектор белсенділігі артады деп күтілгенімен, оптимизм деңгейі 2021 жылғы қазаннан бергі ең төменгі мәнге түсті.

■ PMI Ресурс бағасы ■ Баға белгілеу бойынша PMI
Индекс, маус.түзету, >50 = өткен аймен салыстырғанда инфляция



Дереккөз: Freedom Holding Corp, S&P Global PMI. ©2025 S&P Global.

■ Қазақстан бойынша аралас PMI Жалпы ішкі өнім (GDP)
Өндірістік индекс, маус.түзету, >50 = өткен айға қарағанда өскен % ж/ж



Дереккөз: Freedom Holding Corp, S&P Global PMI. ©2025 S&P Global.

Байланысушы тұлға

Ерлан Әдбікәрімов
Қаржылық талдау
департаментінің директоры
Freedom Finance Global PLC
Yerlan.abdikarimov@ffin.kz
Freedom Holding Corp

Қоғаммен байланыс
департаменті
Freedom Finance Global PLC
pr@ffin.kz
Freedom Holding Corp

Марьям Балуч
Экономист
S&P Global Market Intelligence
T: +44 (0) 1344 327 213
maryam.baluch@spglobal.com

Ханна Брук
ЕМҒА елдері бойынша
коммуникация менеджері
S&P Global Market Intelligence
T: +44 7483 439 812
hannah.brook@spglobal.com
press.mi@spglobal.com

Егер S&P Global жаңалықтар релизін алғыңыз келмесе press.mi@spglobal.com поштасына хабарлаңыз. Біздің құпиялық саясатымыз туралы [осы тұстан](#) оқыңыз.

Әдістеме

Freedom Holding Corp. Қазақстандағы қызмет көрсету салалары бойынша PMI® 250 жуық өндіруші компанияның сату жөніндегі менеджерлеріне жіберген сауалнамаға берілген жауаптер негізінде S&P Global әзірлеген.

Қамтылған салалар арасында тұтыну (бөлшек саудадан басқа), көлік, ақпарат, коммуникация, қаржы, сақтандыру, жылжымайтын мүлік және бизнес қызметтер бар. Бұл панел ЖІӨ-дегі үлесіне қарай нақты салалар мен компанияның жұмыс күшінің ауқымы бойынша жіктелген. Дерек жинау 2019 ж. наурыз айынан басталды.

Сауалнама жауаптары әр айдың екінші жартысында жиналады және оның алдындағы аймен салыстырғандағы өзгеріс бағытын көрсетеді. Таралу индексі әр сауалнама айналымы үшін есептеледі. Индекс - «жоғары» жауаптар пайызының қосындысы және «өзгермеген» жауаптар пайызының жартысы. Индекс 0 мен 100 аралығында құбылады, 50-ден жоғары мән алдыңғы аймен салыстырғандағы жалпы өсімді, 50-ден төмен жалпы қысқаруды білдіреді. Индекс маусымға қарай түзетіліп отырады.

Негізгі көрсеткіш қызмет көрсету саласындағы іскери белсенділік. Бұл алдыңғы аймен салыстырғанда іскерлік белсенділік ауқымының өзгерісі жайлы сауалға сүйеніп есептелетін таралу индексі. Қызмет көрсету саласындағы іскери белсенділік индексі өндірістегі өнім өндіру индексімен пара-пар. Ол «Қызмет көрсету бойынша PMI» аталғанымен өнім өндіру бойынша PMI негізгі көрсеткіштерімен пара-пар бола алмайды.

Аралас Өндірістік Индекс- Өндірістегі өнім өндіру индексі мен Қызмет көрсету саласындағы іскери белсенділік индексінің орташа мәні. Мәндер ресми ЖІӨ деректеріне сәйкес өнім өндіру және қызмет көрсету секторларындағы салыстырмалы ауқымды көрсетеді. Аралас Өндірістік Индекс «Аралас PMI» деп аталғанымен өнім өндіру бойынша PMI негізгі көрсеткіштерімен пара-пар бола алмайды.

Базалық сауалнама деректері жарияланған соң қайта қаралмайды, бірақ маусымдық түзету факторлары қажет кезде қайта қаралуы мүмкін, бұл маусымға орай түзетілген кейбір деректерге ықпал етеді.

PMI сауалнама әдістемесі туралы толық ақпарат алу үшін economics@spglobal.com поштасына жазыңыз.

Freedom Holding Corp.

Freedom Holding Corp. әртарапандырылған қаржылық қызмет көрсететін компания, брокерлік қызметпен, бағалы қағаздар саудасымен, инвестициялық зерттеулермен және консультация берумен, инвестициялық банктік және андеррайтингтік қызметтермен, ипотекамен, сақтандырумен, телекоммуникациямен, әуе билеттері мен мәдени және спорттық іс-шараларға билеттерді онлайн сатумен айналысады, онлайн супермаркет қызметтерін және басқаларын ұсынады.

Freedom Holding Corp. компаниясының еншілес компанияларын ескере отырып, 7,5 мыңнан астам қызметкері бар.

Холдингтің бөлімшелері мен еншілес компаниялары Қазақстан, АҚШ, Кипр, Польша, Испания, Өзбекстан, Әзірбайжан және басқаларын қоса алғанда 22 елде орналасқан.

Freedom Holding Corp. компаниясының жай акциялары АҚШ-тың Бағалы қағаздар және биржалар жөніндегі комиссиясында тіркелген және Nasdaq Capital Market-те FRHC тикерімен саудаланады.

www.freedomholdingcorp.com

S&P Global

Негізгі ақпаратты жеткізуші S&P Global (NYSE: SPGI). Үкімет, компаниялар және жеке тұлғалар сенімді шешім қабылдауы үшін, біз оларға қажет нақты деректер, тәжірибе және жүйеленген технология ұсынамыз. Клиенттердің жаңа инвестицияларды бағалауына көмектесіп, оларға ESG мәселесі бойынша кеңес беріп, жеткізу тізбегіндегі энергияның жаңа көзіне ауысуына ықпал ету арқылы біз жаңа мүмкіндіктер ашамыз, мәселелерді шешіп, бүкіл әлемдік прогресті тездетеміз.

Әлемдегі көптеген жетекші компаниялар кредит рейтингін жасау, мақсатты көрсеткіштер, әлемдік капитал, шикізат және автокөлік нарығындағы еңбек ағынын басқару әрі талдау мақсатында бізге жүгінеді. Әр ұсыныс арқылы біз әлемдегі жетекші ұйымдардың болашағын бүгін болжуына көмектесеміз.

www.spglobal.com

S&P Global ұсынған PMI

Сату менеджерлері индексі™ (PMI®) сауалнамалары қазір 40 астам мемлекетте, оған Еуроаймақты қоса отырып, маңызды өңірлерде жүргізіледі. Бұл аса мұқият зерделенетін әлемдік бизнес сауалнама, ол уақтылы, дәл және әдетте ай сайынғы экономикалық трендтердің айрықша индикаторы болатын деректерді ұсынатындықтан, орталық банктер, қаржы нарықтары, бизнестегі шешім қабылдаушы тұлғалар арасында танымал.

www.spglobal.com/marketintelligence/en/mi/products/pmi

Ескерту

Осы құжаттағы мәліметтердің зияткерлік меншігі не лицензиясы S&P Global және/немесе оның еншілес компанияларына тиесілі. S&P Global алдын-ала жазбаша мақұлдаспаса деректі кез-келген түрде рұқсатсыз қолдану, оның ішінде есепсіз көшіру не басқаша пайдалануға тиым салынады. S&P Global осы құжатта баяндалған мазмұн немесе ақпарат («Деректер»), Деректердегі кез келген қателік, шатасу, олқылық немесе кідірістерге қатысты және соларға сүйеніп жасалған әрекеттерге қатысты ешқандай жауапкершілік, міндеттеме немесе жүктеме алмайды. S&P Global Деректі қолданудан туған кез-келген арнайы, кездейсоқ немесе жанама шығындар үшін жауап бермейді. Сату менеджерлерінің индексі™ және PMI® сауда белгісі - S&P Global Inc тіркеген немесе S&P Global Inc және оның еншілестері лицензияланған сауда белгісі.

Бұл контентті S&P Global Ratings емес S&P Global Market Intelligence жариялады және алдыңғы аталған ұйым S&P Global құрамындағы жеке құрылым. Тиісті тараптан алдын-ала жазбаша рұқсат алмаған жағдайда рейтингді қоса («Контент») ақпаратты, дерек пен материалды көшіріп басуға тиім салынады. Сол тарап, оның еншілестері мен жеткізушілері («Контент жеткізушілері») кез-келген Контенттің нақтылығы, адекваттылығы, толыққандылығы, уақтылы болуы, оған қол жеткізілуіне кепілдік бермейді және (салғырттық немесе басқа) себебіне қарамастан кез-келген қателік немесе мүлт кетуге, осындай Контентті қолданудан туған нәтижеге жауап бермейді. Контент ұсынушылар ақпаратты кез-келген қолданудан туындаған (кірісті немесе пайданы жоғалту және балама шығындарды қоса алғанда) кез келген залал, шығын, зиян, сот алымдары немесе қаржылай шығыстар үшін жауапкершілік алмайды.